

Milinu sami produkować SN 25.10.19

Njebjelčanska gmejnska rada energijowemu konceptej přihłosowała

Njebjelčicy (SN/mwe). Gmejna Njebjelčicy planuje přichodnje w komunje dalše připrawy za produkciju miliny instalować a je zhromadnej syći přizamknýc. Energijowemu konceptej su gmejnsky radźičeljo na swojim wčerawšim posedženju přihłosowali. Wjesnjanosta Tomáš Čornak (CDU) je społnomócnjeny, předležacy koncept z firmu Energie-Autark a z drustwom Łužiska přirodna energija podpisać.

Njebjelčicy planuja swój twarski zawod ze solarnej připrawu wuhotować kaž tež jednu abo wjacore mjeńše wětrnikowe připrawy instalować, zo móhli energiju dobywać. Při produkčiji swójškeje miliny za gmejnsku pěštowarnju maja přewšo dobre nazhonjenja a chcedza na zakładze tutych dopóznacow z energijowym konceptom pokročować.

Na nazorne wašnje je gmejnskimi radźičelami a hosćom jednacel Energie-Autark Hanzo Wylem-Kell wčera wječor

wšelake puće produkcije swójškeje miliny rysował a swójške koncepty spřístupnił. Tež Elke Altmann z drustwa Łužiska přirodna energija zamó mjez gmejnskimimi radźičelami za nowe puće regionalneho a komunalneho dobywanja energije a nawjazanja na zhromadnu syć zajim zbudzić. Wšako ma Njebjelčanska gmejna přiležnosć, drustwu jako člon přistupić. Najprjedy pak chcedza wosebje z wobydlerjemi wo móžnych konceptach „swójškeje produkcije miliny“ rěčeć a wo móžnych krokach kóždyje domjacnosće wotwažować.

Přeprošyli běchu Njebjelčanscy gmejnsky radźičeljo na wčerawše wuradźowanje tež projektoweho koordinatora towarstwa „Dožiwjenske wsy“ Gregora Illgutha. We wobłuku swójeho klětušeho Mjezynarodneho gmejnskeho swjedženja wot 17. do 19. julija chcedza sej Njebjelčenjo tutón cyłk přeprošyc, zo by pod hesłom „Krabat zetka do-

žiwjenske wsy“ swjedžen wosow sobu wuhotował. Za to maja spěchowansku sumu 20 000 eurow k dispoziciji. Gregor Illguth je radźičelam skutkowanje njewotwisneho towarstwa a jemu přisłušacych wosow z Awstriskeje, Českeje a Němskeje wujasnił. Wšako so wone wot lěta 2013 z temami „wjesneje syće“ tež za swójskimi mjezami prezentuja. „Chcemy na wjesne drohoćinki z charakterom a cyłe swójskimi identitami skedzbnjeć“, Illguth podšmórny.

„Dožiwjenske wsy“ hodza so derje do klětušeho gmejnskeho swjedženja w Njebjelčicach integrować, dokelž zarjadowanje ze swójskim programom jara wobohaća. To wobkrući tohorunja wjesnjanosta Tomáš Čornak, prajo, zo budu wězo swójške tradicionalne zarjadowanja swjedženjej přirjadować. „Krabat zetka dožiwjenske wsy“ pak budze na kóždy pad tež za nas Serbow w Njebjelčicach klětu nowe dožiwjenje.